

『類聚国史』卷 178 仏道 5 灌頂

仁明天皇天長十年十月壬寅。延曆寺座主僧伝燈大法師位円澄卒云々。延曆十七年陟到叡山最澄法師。師大悦。即落髮為弟子。取自名一号为円澄。時年二十七焉。廿四年春。最澄師入唐以後。法師依詔於紫宸殿。修念五仏頂法。即預得度。其夏四月。就唐**泰信**大僧都受具戒。六月大唐使帰朝。秋八月宣勅令最澄師修入唐所受灌頂秘法。是大法師修円勤操等七人為受法弟子。於清瀧峯高雄寺。奉為桓武天皇。修毘盧遮那秘法。法師亦在其中。共稟灌頂三摩耶戒。是則本朝灌頂始興之日也。大同元年冬十一月。於叡山止観院。法師為上首。与百余人。受円頓菩薩大戒。此亦天台師々相伝大戒之初也。